

Reglur um BA- nám í lögfræði við lagadeild Háskólans í Reykjavík (HR)

1. gr. BA í lögfræði

Lagadeild Háskólans í Reykjavík (lagadeild) veitir prófgráðuna bakkalárpróf í lögfræði (BA) að loknu 180 ECTS eininga grunnnámi við deildina með fullnægjandi árangri. Prófgráðan staðfestir hæfni til að starfa sem lögfræðingur, til að gegna störfum þar sem krafist er háskólaprófs og til að hefja nám á meistarastigi í lögfræði eða öðrum greinum eftir atvikum.

2. gr. Inntökuskilyrði

Umsækjandi um grunnnám við lagadeild Háskólans í Reykjavík skal hafa lokið stúdentsprófi eða jafngildu prófi samanber 19. gr. laga nr. 63/2006 um háskóla. Í undantekningartilvikum er heimilt að innrita nemendur sem að mati inntökunefndar lagadeildar búa yfir jafngildum þroska og þekkingu og þeir nemendur sem lokið hafa stúdentsprófi eða jafngildu prófi.

Við val á umsækjanda er einkunn á stúdentsprófi eða jafngildu prófi höfð til hliðsjónar. Sérstaklega er litið til einkunna í íslensku, ensku, norrænu tungumáli og stærðfræði. Annars konar þekking og reynsla, svo sem úr atvinnulífinu, þátttaka í félagsstörfum, íþróttum, tónlistarnámi og öðru sem talið er að reynst geti umsækjanda vel í námi, getur einnig haft áhrif á mat á umsóknum. Umsækjendur skulu gera grein fyrir þeim atriðum sem þeir telja geta orðið umsókn sinni til framdráttar í sérstakri greinargerð sem er hluti umsóknar.

Umsækjandi getur óskað eftir viðtali við fulltrúa deildarinnar óski hann eftir að kynna sig, leita upplýsinga og leggja fram viðbótargögn.

Forseti lagadeildar ákveður, að höfðu samráði við rektor, fjölda þeirra nemenda sem fá inngöngu í grunnnám.

Inntökunefnd lagadeildar tekur ákvörðun um hvaða nemendur fái inngöngu í deildina.

Grunnnám hefst að jafnaði að hausti. Forseti lagadeildar getur þó ákveðið, að höfðu samráði við rektor, að taka við umsóknum um nám í lagadeild á vorönn. Forseta deildar er heimilt að ákveða strangari skilyrði fyrir inntöku nemenda á vorönn.

3. gr.
Inntak námsins og námsþættir

Námskeið (kjarnagreinar og valgreinar) í grunnnámi eru eftirfarandi:

Námsár/önn nr.	Námskeið	Fjöldi ECTS eininga
1. ár haustönn/1. önn	Aðferðafræði I- Réttarheimildir og lögskýringar.	10
	Fjármunaréttur I (Samningaréttur og inngangur að skaðabótarétti og almennum hluta kröfuréttar)	10
	Stjórnskipunarréttur	10 = 30
1. ár vorönn/2. önn	Félagaréttur	8
	Fjármunaréttur II (Kröfuréttur síðari hluti)	8
	Stjórnsýsluréttur	8
	Nýsköpun og stofnun fyrirtækja	6 = 30
2. ár haustönn/3. önn	Evrópuréttur	8
	Fjármunaréttur III (Bótaréttur)	8
	Fjölskyldu og – erfðaréttur	4
	Réttarfar	10 = 30
2. ár vorönn/4. önn	Fjármunaréttur IV (Eignaréttur)	8
	Fjármunaréttur V – Raunhæft málflutningsverkefni	6
	Refsiréttur	8
	Samkeppnisréttur	8 = 30
3. ár haustönn/5. önn	Hugverkaréttur	6
	Skattaréttur	8
	Viðskipti með fjármálagerninga	8
	Þjóðaréttur	8 = 30
3. ár vorönn/6. önn	Aðferðafræði II- lagakenningar	7.5
	Sakamálaréttarfar	7.5
		Samtals kjarnagreinar 165 ECTS
	BA ritgerð og valgreinar. Nemendum gefst kostur á að velja tvær kjörgreinar eða málstofur úr	Hver valgrein úr meistaranámi vegur að jafnaði 7.5 einingar. BA ritgerð vegur 15

	meistaránámi við lagadeild. ¹ Einnig er nemendum heimilt að velja námsgreinar innan annarra deilda HR eða annarra háskóla, í stað ofangreindra valgreina.	einingar.
		Samtals kjarna- og valgreinar 180 ECTS

BA-ritgerð getur komið í stað tveggja valgreina. Ritgerðin vegur 15 einingar. BA-ritgerð er sjálfstætt verkefni nemenda.

Lengd ritgerðarinnar skal vera á bilinu 12.500-15.000 orð. Forseti lagadeildar skipar prófdómara og skulu leiðbeinandi og prófdómari sameiginlega leggja mat á ritgerð nemanda. Séu leiðbeinendur fleiri en einn, leggja þeir sameiginlega mat á ritgerðina og er þá ekki þörf á prófdómara.

Um framangreint vísast nánar til leiðbeininga um BA ritgerðir og verklagsreglna lagadeildar um prófdómara.

BA-ritgerð skal skila á skrifstofu lagadeildar innan skilafrests. Nemanda er óheimilt að draga til baka ritgerð sem skilað hefur verið.

Nái nemandi ekki lágmarkseinkunn í BA ritgerð getur hann valið milli þess að skrifa aðra 15 eininga ritgerð eða taka tvær valgreinar. Með annarri ritgerð er átt við að nemandi skrifi nýja ritgerð hjá öðrum leiðbeinanda. Nemandi getur óskað eftir sérstöku samþykki forseta lagadeildar fyrir ritgerðarefni sem gerir honum kleift að nýta fyrri vinnu við heimildaöflun. Í slíkum tilvikum þarf nemandi að gera sérstaklega grein fyrir nýrri/breyttri nálgun og/eða efnistöku. Við afgreiðslu slíkrar beiðni skal deildarforseti leita álits viðkomandi leiðbeinanda.

Skyldumæting er á námskeið um ritun ritgerða í upphafi annar og á kynningu á ritgerðarefni í byrjun apríl.

Í BA náminu skal nemandi ljúka að lágmarki 165 einingum í lögfræðigreinum en nemanda er heimilt að ljúka allt að 15 einingum í öðrum greinum á háskólastigi, í stað valgreina á 3. námsári.

Námskeið eru í umsjón fastra kennara deildarinnar eftir ákvörðun forseta lagadeildar. Honum er þó heimilt að fela stundakennurum umsjón námskeiða ef fastir kennarar anna því ekki að hafa umsjón þeirra.

¹ Þessi regla tekur gildi frá og með skólaárinu 2012 til 2013.

4. gr. Lærdómsviðmið

Við lok bakkalárprófs í lögfræði skal nemandi hafa til að bera þekkingu, leikni og hæfni í samræmi við lærdómsviðmið BA náms. Við útskrift búi nemandi þannig yfir a) lögfræðilegri þekkingu, b) geti beitt aðferðum og verklagi lögfræðinnar og c) hagnýtt þekkingu sína og leikni í starfi og/eða frekara námi.

Í því felst:

a) Þekking

Að nemandi:

Þekki og hafi almennan skilning á og innsæi í helstu kenningar og hugtök lögfræðinnar.

Þekki og skilji réttarheimildir og aðferðafræði lögfræðinnar.

Hafi yfirsýn yfir gildandi rétt á helstu sviðum lögfræðinnar.

Hafi ennfremur vitneskju um nýjustu þekkingu á völdu réttarsviði.

Þekki undirstöðuatriði leitar- og upplýsingatækni: Viti hvar og hvernig á að leita upplýsinga og hvenær upplýsinga er þörf.

Hafi skilning á samfélagslegu hlutverki lögfræðinnar og tengslum hennar við önnur fræðasvið

Hafi þekkingu á siðferðilegum forsendum lögfræðinnar.

b) Leikni

Að nemandi:

Geti beitt aðferðum lögfræðinnar og fræðilegri þekkingu á viðfangsefni fræðigreinarinnar.

Geti greint lögfræðileg álitæfni og leyst úr þeim með rökstuddum hætti.

Geti metið áreiðanleika upplýsinga og aðferða og valið á milli þeirra.

Öðlist þjálfun í því að nýta nauðsynlegar upplýsingar við úrlausn lögfræðilegra viðfangsefna

Hafi tileinkað sér víðsýni og frumleika í hugsun og öguð og nákvæm vinnubrögð.

Geti beitt gagnrýnum fræðilegum vinnubrögðum og siðferðilegri dómgreind við úrlausn verkefna.

c) Hæfni

Að nemandi:

Hafi þekkingu og þjálfun til lögfræðistarfa og til þess að hefja ML nám.

Hafi tileinkað sér sjálfstæð og skipulögð vinnubrögð.

Geti sett sér markmið og fylgt verkáætlunum.

Geti tekið virkan þátt í samstarfi og leitt verkhópa.

Sé fær um að túlka og kynna lögfræðileg atriði og niðurstöður.

Geti aflað sér þekkingar, haldið henni við og aukið við hana.

5. gr. Nám og kennsla

Eftirfarandi meginreglur gilda um nám og kennslu í BA námi við lagadeild:

- a) Skipulag námskeiða, kennslu og námsmats skal vera í samræmi við lærdómsviðmið prófgráða og námskeiða.
- b) Námið, kennslan og námsmatið er verkefnatengt.
- c) Áhersla er lögð á fjölbreyttar kennsluaðferðir og námsmat og vandaða endurgjöf til nemenda.
- d) Kennsla fer fram í almennum kennslustundum, umræðu- eða verkefnatímum og í formi verkefna eftir ákvörðun umsjónarkennara hverju sinni.
- e) Námsefni og kennsla miðar að því að nemendur öðlist traustan fræðilegan grunn og fái markvissa þjálfun í beitingu hans. Áhersla er lögð á gagnrýna hugsun og sjálfstæð vinnubrögð.
- f) Þjálfun í úrlausn lögfræðilegra álitaefna er grundvallaratriði í kennslufræðilegri nálgun lagadeildar. Nemendur eiga að fá þjálfun í að beita lögfræðilegri aðferðafræði í tengslum við kennslu í öllum námskeiðum sem eru lögfræðigreinar án þess að það sé endilega hluti námsmats.
- g) Umsjónarkennarar námskeiða ákveða námsmat. Námsmat skal endurspegla þær áherslur sem lagðar eru í kennslu í einstökum námskeiðum.
- h) Úrlausn raunhæfra verkefna er hluti af námsmati í öllum þeim kjarnagreinum sem teljast lögfræðigreinar.
- i) Miðannar- og lokapróf mega að hámarki gilda 70% af heildarnámsmati í einstökum kjarnagreinum.²
- j) Um nám og kennslu í valfögum á þriðja ári fer samkvæmt reglum um meistaranám við lagadeild.

Framangreindum meginreglum til fyllingar vísast til viðmiða lagadeildar um kennsluhætti sem aðgengileg eru á heimasíðu [lagadeildar](#).

6. gr. Kennslu- og vinnustundir

Að jafnaði standa 56 kennslustundir, verkefna- og umræðutímar að baki hverri 8 eininga kjarnagrein.

Að jafnaði standa 30-38 kennslustundir, verkefna- og umræðutímar að baki hverri 7,5 eininga valgrein á 6. önn.

Við það skal miðað að 25-30 vinnustundir (kennslustundir, verkefna- og umræðutímar, undirbúningur nema og verkefnavinna) standi að baki hverri einingu námskeiðs. Þannig standi t.d. 200-240 vinnustundir að baki 8 einingum. Efnistöð BA-ritgerða skulu vera með þeim hætti að ljóst sé að ekki liggi færri en 375-450 vinnustundir að baki ritgerðinni.

² Liður-i tekur gildi frá og með skólaárinu 2012 til 2013.

7. gr. Námsráð

Hlutverk námsráðs er að vinna með forseta deildar að þróun BA- og ML náms, þar á meðal skipulagi þess og gæðum, tilhögun kennslu, kennsluhátta og námsmats samkvæmt stjórnskipulagi lagadeildar.

8. gr. Námsframvinda

Nemandi skal ljúka 30 einingum á önn eða 60 einingum á ári, miðað við eðlilega námsframvindu. Nemandi er heimilt að innritast á annað námsár í lagadeild, hafi hann lokið a.m.k. 48 einingum af námsefni fyrsta árs, með meðaleinkunn 6 eða hærri. Til að hefja nám á þriðja ári þarf nemandi að hafa lokið a.m.k. 96 einingum á fyrsta og öðru námsári, með meðaleinkunn 6 eða hærri. Nemandi skal hafa lokið a.m.k. 90 einingum úr lagadeild í síðasta lagi tveimur árum eftir síðustu innritun á fyrsta námsár. Nemandi skal hafa lokið a.m.k. 126 einingum þremur árum eftir síðustu innritun á fyrsta námsár. Nemandi skal hafa lokið bakkalárprófi í síðasta lagi fjórum árum eftir síðustu innritun á fyrsta námsár.

9. gr. Hámarksfjöldi eininga á önn

Eftir því sem við getur átt má heimila nemandi að skrá sig í eitt námskeið á önn umfram 30 einingar. Slík skráning skal fara fram í samráði við skrifstofu lagadeildar.

10. gr. Námsmat og einkunnagjöf

Um námsmat og einkunnagjöf í BA námi fer samkvæmt reglum HR um próf og einkunnir. Lámærkseinkunn í kjarnagreinum, valgreinum og BA ritgerð er því 5,0. Lámærkseinkunn í aðferðarfræði (námskeið L-101) er þó 6 og þurfa nemendur að ná lágmarkseinkunn 6 að meðaltali úr verkefni og skriflegu miðannarprófi til að heimilt sé að gangast undir munnlegt lokapróf. Í greinum þar sem lokapróf, hvort sem það er munnlegt eða skriflegt, er hluti námsmats skulu aðrir námsþættir því aðeins metnir inn í lokaeinkunn, að nemandi hafi hlotið tilgreinda lágmarkseinkunn á lokaprófi enda vegi lokaprófið a.m.k. 20% af lokaeinkunn námskeiðsins. Nái nemandi ekki tilgreindri lágmarkseinkunn á lokaprófi getur hann ekki nýtt sér einkunnir sem hann hefur fengið fyrir aðra námsþætti, þótt hann endurtaki námskeiðið síðar.

11. gr. Endurinnritun

Uppfylli nemandi ekki framangreind lágmarksskilyrði um námsframvindu, fellur réttur til frekara náms við deildina niður. Nemandi getur þó sótt um endurinnritun í deildina. Þar sem heimild til endurinnritunar felur í sér undantekningu frá lágmarksskilyrðum um

námsframvindu eru þau skilyrði sett að námsferill nemanda beri með sér ótvíræða námsgetu eða ótvíræðar framfarir í námi og að meðaleinkunn sé 6 eða hærri. Sé slík heimild veitt, heldur nemandi sem þess óskar þeim námskeiðum sem lokið hefur verið með einkunn 6 eða hærri. Heimild til endurinnritunar verður aðeins veitt einu sinni á námstímanum.

12. gr. Endurtekning prófa

Nemendum er heimilt að sitja hvert námskeið tvisvar sinnum og þreyta þau próf sem í boði eru í bæði skiptin. Að sitja námskeið þýðir að nemandi hefur verið skráður í námskeið eftir að frestur um úrsögn er liðinn. Nemanda, sem uppfyllir ekki framangreindar kröfur og óskar eftir að halda áfram námi við deildina, ber að sækja um endurinnritun. Um forsendur og afleiðingar endurinnritunar fer skv. 11. gr. eftir því sem við á.³

13. gr. Námshlé

Nemandi getur sótt um til námráðs að gera hlé á námi sínu. Beiðnin skal studd fullnægjandi gögnum er sýni að gildar ástæður séu fyrir beiðninni. Meðal ástæðna sem réttlætt geta námshlé eru barneignir og veikindi. Leyfi til námshlés má veita með skilyrðum. Hámarkslengd námshlés er 1 ár. Hámarksnámstími skv. reglum þessum framlengist sem námsleyfi nemur.

14. gr. Undanþágur

Hafi námsráð komist að þeirri niðurstöðu að undanþágur frá reglum um framvindu náms og námshlé samkvæmt 11. og 13. gr. reglna þessara eigi ekki við getur deildarfundur lagadeildar, ef ríkar ástæður eru til, veitt frekari undanþágur frá þeim reglum. Slík heimild verður aðeins veitt í algjörum undantekningartilvikum.

15. gr. Mat á fyrra námi

Nemandi sem óskar eftir að ljúka BA-prófi frá lagadeild og óskar mats á fyrra námi þarf almennt að sækja um slíkt mat til námsráðs lagadeildar fyrir 15. júní vegna haustannar og 15. september vegna vorannar.

Um mat á fyrra námi fer skv. neðangreindu:

- a) Umsókn skal skilað á þar til gert eyðublað sem finna má á heimasíðu lagadeildar. Umsóknin skal vera skrifleg og studd fullnægjandi gögnum um það nám sem

³ Ákvæði þetta tekur til próftöku nemenda í námskeiði sem þeir voru fyrst skráðir í haustið 2011 eða síðar.

- óskast metið þ.e. nákvæmri námslýsingu og staðfestu prófskírteini eða staðfestu afriti af einkunnum frá kennsluviði viðkomandi skóla.
- b) Eingöngu nám á háskólastigi kemur til álita í þessum efnum.
 - c) Námskeið sem nemandi hefur lokið meira en 9 árum áður en hann innritast til náms í lagadeild eru ekki metin til eininga. Einungis eru metin námskeið sem nemandi hefur lokið með einkunn 6 eða hærra hvort sem um er að ræða námskeið sem tekin hafa verið innan lagadeildar HR, öðrum deildum HR eða frá öðrum háskólum.
 - d) Heimilt er að meta fyrra nám til allt að 90 eininga ef um er að ræða samfellt nám sem námsráð metur sambærilegt við BA nám í lagadeild.. Sé nám það sem óskað er eftir að verið metið ekki sambærilegt við BA nám í lagadeild má meta fyrra nám til allt að 15 eininga.
 - e) Nemandi sem óskar mats á námskeiðum úr loknum námsgráðum á sviði lögfræði skal uppfylla skilyrði a) - c) liða hér að framan. Þá skal hann jafnframt uppfylla eftirfarandi skilyrði:
 - i. Einkunn skal vera 6 eða hærra í öllum námskeiðum sem metin eru.
 - ii. Nemandi skal ljúka að lágmarki 90 einingum í lögfræði við lagadeild HR.
 - iii. Nemandi skal verja að lágmarki 50% af námstíma sínum við HR.
 - f) Nemandi sem óskar mats á fyrri námskeiðum úr loknum námsgráðum á öðrum sviðum en lögfræði skal uppfylla skilyrði a) - c) liða hér að framan. Í slíkum tilvikum getur nemandi að hámarki fengið metin námskeið sem svara til 15 eininga í stað valgreina á 6. önn og að auki námskeið sem teljast sambærileg þeim skyldugreinum í BA námi sem ekki teljast til lögfræðigreina.

Gögn sem þurfa að fylgja með umsókn um mat á fyrra námi:

- a) Umsóknin sjálf (prentuð út af netinu).
- b) Staðfest afrit af einkunnum frá viðkomandi háskóla.
- c) Námskeiðslýsingar frá viðkomandi háskóla (frá því ári sem námskeiðin voru tekin).

16. gr. Náms – og prófareglur

Lagadeild Háskólans í Reykjavíkur hefur gefið út reglur um prófgögn í lagadeild þar sem fram koma upplýsingar um hvaða gögn má hafa meðferðis í próf.

Meginreglan er sú að kennari námskeiðs ákveður hvort og hvaða gögn nemendum er heimilt að hafa með sér í próf. Reglurnar í heild sinni má sjá [á heimasíðu lagadeildar](#).

Vísað er í náms- og prófareglur HR varðandi önnur atriði en þær er að finna á [heimasíðu HR](#).

17. gr.
Heimildaskráningastaðallinn OSCOLA

Allar heimildaritgerðir og sambærileg verkefni s.s. álitsgerðir og svör við raunhæfum verkefnum skulu styðjast við heimildaskráningarstaðallinn „Oxford Standard for the Citation of Legal Authorities“ (OSCOLA). Gefnar hafa verið út reglur um íslenska aðlögun staðalsins en öll gögn varðandi staðallinn er að finna á [heimasíðu bókasafns og upplýsingaþjónustu HR](#).

18. gr.
Sumarnám

Lagadeild er heimilt að bjóða upp á sumarnám, á eigin vegum eða í samstarfi við aðra, sem geti skilað nemendum einingum til grunnnáms samkvæmt nánari ákvörðun forseta lagadeildar. Heimilt er að innheimta sérstök gjöld vegna náms samkvæmt þessari málsgrein.

19. gr.
Skólagjöld

Háskólaráð ákveður skólagjöld í grunnnámi.

20. gr.
Ákvarðanir og kæruleiðir

Að öðru leyti en því sem tekið er fram í reglum þessum fer forseti lagadeildar með endanlegt ákvörðunarvald um framkvæmd grunnnáms í lögfræði.

Samkvæmt stjórnskipulagi lagadeildar og reglum þessum tekur inntökunefnd ákvarðanir um inntöku í BA nám, sbr. 2. gr. reglnanna. Námsráð tekur ákvarðanir og um mat á fyrra námi, sbr. 15. gr. reglna þessara. og ákvarðanir í sambandi við framvindu náms einstakra nemenda samkvæmt 11. og 13. gr. reglnanna.

Ákvarðanir námsráðs eru kærnanlegar til forseta deildar sem fer með endanlegt ákvörðunarvald.

Þar sem í reglum þessum er kveðið á um að lagadeild fari með ákvörðunarvald er átt við deildarfund.

Nemandi, sem hefur tæmt kæruleiðir innan skólans, getur sent mál sitt til áfrýjunarnefndar í kærumálum háskólanema, skv. 20. gr. laga nr. 63/2006 um háskóla. Hlutverk áfrýjunarnefndarinnar skv. reglum nr. 1152/2006 að úrskurða í málum þar sem námsmenn í háskólum sem hlotið hafa staðfestingu menntamálaráðherra, telja brotið á rétti sínum varðandi: a) Framkvæmd prófa og námsmat, þ.m.t. fyrirlögn prófa, tilhögun einkunnagjafar, skipun prófdómara og birtingu einkunna. b) Mat á námsframvindu, þ.m.t. rétt til endurtektarprófs. c) Afgreiðslu umsókna um skólavist, þ.m.t. tilhögun mats á námi

á milli skóla. d) Brottvikningu nemanda úr skóla og beitingu annarra agaviðurlaga. Áfrýjunarnefndin tekur ekki til umfjöllunar mál sem snerta faglegt mat kennara (t.d. próf).

21. gr.
Reglur Háskólans í Reykjavík

Að öðru leyti en því sem fram kemur í reglum þessum gilda almennar reglur Háskólans í Reykjavík, þ.m.t. siðareglur HR, um grunnnám í lagadeild og eftir atvikum aðrar reglur lagadeildar.

Þannig samþykkt á deildarfundum lagadeildar 13. janúar 2012.